

Futbola

Mane: «Ezin da miraririk egin»

Entrenatzaileak fitxaketarik ez izatea aipatu du taldearen estreinuaren atarian

Alaves taldearen aurkezpen partidua da gaur Gasteizen Japoniako selekzio olinpikoaren aurka, eta Jose Manuel Esnal Mane entrenatzailea kexu agertu zen atzo fitxaketarik ez egiteagatik. «Dagoenarekin ezin da miraririk egin», adierazi zuen.

Luis Karlos Garcia / Gasteiz

ALAVES eta Japoniako selekzio olinpikoa gaur gaueko 8:30etatik aurrera ariko dira Mendizorrotza Gasteizko futbol taldea zaleen aurrean aurkezteko neurketan. Partidua, ETB-1k Arabatik zuzenean eskainiko duena, Bigarren Mailako Txapelketari heldu baino lau egun lehenago iritsiko da, eta, beraz, lehenengo ondorio nagusiak ateratzen hasteko parada izango da.


Aurkezpenak festa behar du izan, eta, hala ere, giroa ez da baxa onela Gonzalo Antonek zuzentzen duen klubean. Manek hiru jokalaririk —aurrelaria, pibote defentsiboa eta erdilaria— fitxatzeko beharra agertu zuen hilaren erdialdean, baina, hainbat arrazoren ondoren, oso litekeena da hiruretako inor ez lortzea. Goran Stojiljkovicen kasua izan da azkena. Aurrelari serbiarrak Gasteiza etorri nahi zuen hiru urteko kontratua izanez gero; Antonek ez zion eman eta jokalaria Leganese-ra doa.

Horrela, Pablo Gomez erdilaria eta Francisco Leal atezaina dira Alavesek gaurko aurkezpenean zelairatuko dituen lehen mailako jokalaririk bakarrak, nahiz eta egia izan Bigarren Btik etorkizun handiko gazte batzuk fitxatu dituela. Manek, dagoenaren jakitun, «miraririk egiterik ez» daukala ohartarazi zuen atzo, eta, ildo horretan, 1997-98 denboraldirako helburua estu eta larri ez ibiltzea dela adierazi zuen.

Giro nahasi horretan dator Japoniako talde olinpikoa, euskal jarraitzaileentzako aukari batera erakargarria ez dena. Japoniarrek Lleidan jokatu zuten aste ha-

sieran, eta 3-0 galdu zuten; herenegun, berdin, porrot egin zuten Barcelona Bren aurka. Segida emango diote, bestela, Alavesek denboraldi-aurrean izandako maila gutxiko aurkarien zerrendari: Balmaseda, Mirandes, Lemoa... Soilik Athleticeen kontrako neurketa gertatu da aipagarri.

Datorren igandean Albacete-ren kontra jokatu den partiduko hamaikakoa frogatzeko aukera eman dezake, behinik behin. Entrenatzaileak honako jokalaririk hobeak ditu: Leal; Alex, Karmona, Tellez, Dacosta; Ibon Begoña, Pablo, Azkoitia, Serrano; Angel Luis eta Sivori. Gaur ez dira guztiok ariko, lesio arin batzuk tartean direla, baina horren antzekoa da gaur egun Manek duen talde ideala.



Mane entrenatzailea da Alaves taldeak denboraldi honetarako duen berrikuntzarik aipagarriena.

OLALDE

«Umiliaturik»

EKAITZ dezenteko udarte hau bat dator Alavesen egoerarekin. Lehendabiziko tximistak uztaillean izan ziren, denboraldi-aurrea hasi eta berehala. Mendizorrotzako taldeko zuzendaritzak iragan denboraldiko sei jokalaririk —Tito, Pedro, Pedro Alberto, Mestrovic, Ozeovic eta Marcelo— taldea bilatzeko esan ziren. Kontratua indarrean izan arren, entrenatzaileak nahi ez zituela adierazi, eta heldulekua topatu bitartean, lehen taldetik aparte Ibaiko instalazioetan

entrenatzeko agindu ziren. «Umiliatu egin gintuzten», gogoratu zuen atzo Pedrok. Izan ere, baztertutakoak ziren, eta oraindik ere badira nahiz eta azken astetant taldekideekin entrenatzeko betoa altxatu zaien. Jose Manuel Esnal Manek Pedro Alberto eta Titorekin gertatzea onartu du, baina gainontzekoek alde egin behar dute, eta ez da ia egunik falta epeak agortzeko.

Ibaiko seien kasua tximista izan zen, baina ez zuen trumoirik izan. Jokalaririk guztietatik

inork ez zuen gustuko izan zuzendaritzaren erabakia, baina kritikak ez zuen eztanda egin. Atzo, ordea, askoz ere hitz gogorragoak egin zituen Manolo Serrano kapitainak, eta «lotsagabekieriaz» jo zuen agintarien jokaera. Atzelaria Sant Andreutik fitxatu zuten uda hasieran, baina atzo kontratua bertan behera utzi zuten «alde bien adostasunez», Alavesen oharrak zioenez. Jokalaririk hiru urteko kontratua zuenez, kalte-ordaina negoziatu

eta azkenean 100.000 pezetakoa (4.000 libera) onetsi behar izan zuen; 100.000 pezeta 25.000 milioi pezetako (1.000 milioi libera) klausulen munduan! Halaber, Alavesek txandala eta galtzak itzultzeko exijitu zion. «Umiliazioa» hitza berriro izan da askoren ahotan. Serrano gogor mintzatu zen atzo: «Jokalaria akordioa bilatu beharrean izan da». Bergara bera oso minduta, goibel zebilen atzo. Oraingoan tximistak trumoiak dakarrela dirudi. Euri-jasa hastear da. X

laburrean

ESKUBALOIA

■ Patxi Pagoaga II. Memoria jokatu da gaur Mutrikun

PATXI PAGOAGA II. Memoria jokatu dute gaur Barcelona eta Ademar Leon taldeek Mutrikuko kiroldegian, arratsaldeko 18:30etatik aurrera. Bi taldeek jokalaririk onenak erabiliko dituzte atezain ohia- ren omenezko partidua hone- tan, beraz, ikuskizun polita eskaini dute oraindik denbo- raldi-aurrean egon arren. X

FUTBOLA

■ Martin Gonzalez izango da Martin Monrealen laguntzailea Osasunan

ANGEL MARTIN GONZALEZ Osasunako jokalaririk ohia izan- go da Enrique Martin Monre- alen laguntzailea Osasunan. Talde gorritxoak bost denbo- raldirako fitxatu du Martin Gonzalez, eta denbora horre- tan lehen taldeko entrenatzaile- ren laguntzaile lanak egite- az gain, idazkaritza teknikoari dagozkion kontuetaz ere ari- tuko da. Martin Gonzalez oso gustura agertu zen laneko le- hen egunean, «etxera itzultzen naizelako eta lagunekin lan egingo dudalako». X

■ AFEko presidentea eta Kirolerako Estatuko Idazkaria gaur bilduko dira Madril

GERARDO GONZALEZ MOVI- LLA Jokalaririk Elkarteko (AFE) presidentea eta Pedro Antonio Martin Marin Kirolerako Estatuko Idazkaria gaur bilduko dira Madril, jokala- rien greba saihesteko irtenbi- dea aurkitzeko asmoz. Gonzale- z Movillak herenegun esan zuenez, hau da grebarik ez egiteko azken aukera, baina horretarako administrazioak jokalaririk eskaerari irtenbide bat ematea ezinbestekoa da. X

SASKIBALOIA

■ Robert Parishek erretiratzea erabaki du lesionatzeko beldurragatik

ROBERT PARISH estatuba- tuarrak saskibaloia uztea era- baki du, lesionatzeko beldu- rra duelako. Parishek 44 urte ditu, eta NBA 21 urte jokatu du. 1976ko draft-ean Golden State Warriorsek 8. zenbakia- rekin aukeratu zuen. Bertan lau denboraldi jokatu ondo- ren, Boston Celticsekin fitxa- tu zuen, eta han 3 titulu lortu zituen. Gero Charlottea joan zen, eta azken denboraldian Chicagon aritu da, laugarren titulua eskuratuz. Parish da NBAko historian partidua gehien jokatu duen gizona, 1611 hain zuzen ere. X

Tenisa

Pete Samprasek eta Monica Selesk erraz gaintu dute US Open torneoko lehen kanporaketa

■ Goran Ivanisevic eta Jim Courier kanpoan geratu dira gizonezkoen torneoko lehen kanporaketan

Agentziak / New York

PETE SAMPRASEK ez zuen arazo handirik izan US Open torneoko lehenengo kanporaketa gaintzeko. Samprasek hiru setetan (6-3, 6-1 eta 6-3) menperatu zuen Tedd Larkham australiarra. Larkham saiatu zen Samprasi aurre egiten, baina haren kalitate nagusitu zen kantxan.

Gizonezkoen torneoan lehen jardunaldiak ezusteko aipagarri bat eman zuen: Goran Ivanisevic (4. zerrendaburua) kanpoan ge-

ratu zen. Dini Pescariu erruma- niarrak 4-6, 7-5, 6-1 eta 7-6 (7-3) irabazi zion. Jim Courier ere kanpoan geratu zen, Todd Martin es- tatu batuarrak menperatu egin baitzuen. Gainerantz, ez zen ezusteko aipagarririk izan lehen jardunaldian gizonezkoen artean. Besteak beste, Mark Philippoussis (14), Felix Mantilla (12) eta Petr Korda tenislariek gaintu zuten lehen kanporaketa.

Emakumezkoen torneoan, Monica Selesk erraz irabazi zuen lehen partidua: 6-1 eta 6-2 irabazi

zion Kristie Boogert holandarrari. Ondo dagoela adierazi zuen parti- duaren amaieran, baina ez bete- betean.

Emakumezkoen artean zerren- daburu bat kanporatuta geratu zen: Ruxandra Dragomir erruma- niarra (15). Lisa Raymond estatu batuarrak 6-2, 3-6 eta 6-3 irabazi zion. Venus Williamsek eta Anna Kurnikova gazteak aurrera egin zuten torneoan. Baita Anke Hu- ber alemaniarrek (8), Magdalena Maleeva bulgariarrak eta Irina Spirica errumaniarrak (11) ere.

Kanporatuta geratu ziren, beste- ak beste, Sabina Appelmans eta Chanda Rubin estatu batuarrak.

Pista berria inauguratu zuten

atzo • US Open torneoan, Flus- hing Meadowsko pista nagusi berria inauguratu zuten. Arthur Ashe tenislaririk zenaren izena eramango du. US Open torneoan irabazi du- ten tenislaririk ugari bildu ziren: Rod Lover, Manolo Santana, Ma- nuel Orantes, Guillermo Vilas, Monica Seles, Steffi Graf, Jimmy Connors eta beste batzuk. X